



Na osnovu člana 22 Statuta Brčko distrikta BiH („Službeni glasnik Brčko distrikta BiH“ broj 3/07), člana 45 Poslovnika Skupštine Brčko distrikta BiH – prečišćeni tekst („Službeni glasnik Brčko distrikta BiH“ broj 11/03), člana 42 Zakona o prostornom uređenju Brčko distrikta BiH („Službeni glasnik Brčko distrikta BiH“ brojevi: 9/03, 23/03, 15/04 i 10/06) i Prijedloga odluke gradonačelnika broj: 01-014-013369/07 od 29. augusta 2007. godine, Skupština Brčko distrikta BiH, na 56. redovnoj sjednici održanoj 23. oktobra 2007. godine donosi

**ODLUKU**  
**O USVAJANJU REGULACIONOG PLANA DIJELA ZONE RADA «LUKA BRČKO»**  
**U BRČKO DISTIKTU BOSNE I HERCEGOVINE**

**Član 1**

Donosi se Regulacioni plan dijela zone rada «Luka Brčko» u Brčko distriktu Bosne i Hercegovine.

**Član 2**

Granice prostora koji je obrađen ovim regulacionim planom određene su u grafičkom dijelu projekta.

**Član 3**

Elaborat Regulacionog plana sastoji se iz tekstualnog i grafičkog dijela:

**TEKSTUALNI DIO SADRŽI:**

1. Uvodno obrazloženje
2. Stanje organizacije uređenja i korištenja prostora
3. Potrebe mogućnosti i ciljevi organizacije, uređenja i korištenja prostora
4. Plan organizacije, uređenja i korištenja prostora
5. Odredbe i smjernice o sprovođenju plana

**GRAFIČKI DIO SADRŽI:**

- |   |             |
|---|-------------|
| 1. Geodetska podloga  | M 1 : 1000  |
| 2. Geodetska podloga s valorizacijom građevinskog fonda (namjena objekata)  | M 1 : 1000  |
| 3. Geodetska podloga s valorizacijom građevinskog fonda (bonitet objekata)  | M 1 : 1000  |
| 4. Plan rušenja   | M 1 : 1000  |
| 5. Izvod iz «Izmjene i dopune Urbanističkog plana grada Brčko 1996. - 2006. izmjena i dopuna» - plan namjene površina lokalitet 1 | M 1 : 10000 |
| 6. Inženjersko-geodetska karta  | M 1 : 1000  |
| 7. Ocjena prirodnih i stvorenih uslova  | M 1 : 1000  |
| 8. Plan prostorne organizacije i spratnost objekata   | M 1 : 1000  |
| 9. Plan saobraćaja i nivelacije   | M 1 : 1000  |
| 10. Plan infrastrukture – hidrotehnika  | M 1 : 1000  |
| 11. Plan infrastrukture – elektroenergetika i telekomunikacije  | M 1 : 1000  |
| 12. Sintezna karta – plan infrastrukture  | M 1 : 1000  |
| 13. Plan uređenja zelenih površina  | M 1 : 1000  |
| 14. Plan građevinskih i regulacionih linija   | M 1 : 1000  |
| 15. Plan parcelacije  | M 1 : 1000  |

#### **Član 4**

Elaborat plana izradio je Urbanistički zavod Republike Srpske Banja Luka u junu 2007. godine i sastavni je dio ovog prijedloga odluke.

#### **Član 5**

Regulacioni plan je osnov za izdavanje urbanističke saglasnosti za parcelaciju građevinskog zemljišta, kao i sve druge Planom predviđene intervencije u obuhvatu Regulacionog plana.

#### **Član 6**

Regulacioni plan izlaže se na stalni javni uvid u Odjeljenju za prostorno planiranje i imovinsko-pravne poslove Vlade Brčko distrikta Bosne i Hercegovine.

#### **Član 7**

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj: 0-02-022-126/07  
Brčko, 23. oktobra 2007. godine

PREDSJEDNIK  
SKUPŠTINE BRČKO DISTRIKTA BiH  
Prof. dr. Milan Tomić, s.r.